

Ч. 25. (109.)

Крыница, четверг дня 2. липня (19. червня) 1936. Рок III.



Орган Лемковского Союза.

Выходит в каждый четверг.

Редакция и администрация в Крынице. — Адрес „Лемко” Крыница.

Всіх читателів, котрі не ввели ще пренумерату, просимо вирівняти якнайскорше рахунки.

Пренумерата в краю:
30 грошей місячно,
80 „ квартално
1.50 „ полпрочно,
3 зл. рочно.

В Америкі: 1 дол. рочно.

В Чехословаччині:
2 кор. місячно, 10 кор. полпрочно,
20 кор. рочно.

Ціни оголошень:
Ціла сторона 120 зл., 1/2 сто-
роны 60 зл., 1/4 сторони 35 зл.,
1/8 стор. 20 зл., 1/16 стор. 10 зл.;
оголошення мали за 1 мм. 20 гр.,
в тексті 30 гр., перед текстом
40 гр. При місячному і довшом
оголошенні значна знижка.
Конто чекове № 404.155.

ПЕРЕНАСЕЛЕННЯ СЕЛ.

Недавно появилася книжка Осифа Понятовського п. з. „Przeludnienie wsi i rolnictwa”. Автор подає в своїм труді цікаві цифри, освітлюючи положення селянина в Польщі. Число людей, що займаються сільським господарством, виносить в С. С. С. Р. 72 мільйони людей, в Польщі — 11 мільйонів, в Німеччині — 9, во Франції і Італії по 8 мільйонів.

Аджек Польща займає друге місце в Європі, коли йдеться про число людей, що займаються сільським господарством.

Якщо йдеться про простір заораної землі, то Совіти займають знову перше місце (441 мільйонів гектарів). Далше йдуть Франція і Іспанія (по 32 мільйони гектарів), Німеччина (27) і так аж Польща з 24-ма мільйонами гектарів. Тут Польща є на 5-ом місці.

Проте в Польщі є найсильніше перенаселення сіл, бо людей, що займаються сільським господарством, припадає на 100 гектарів в Іспанії 14, в Данії 15, во Франції 25, в Італії і Німеччині 34, в Голландії 40, а в Польщі 45-5.

Якщо йдеться про збирання землеродів з 1 гектара, то Польща (з 11-3 сотні) займає одне з останніх місць в Європі.

Так само, якщо йдеться про результат роботи одного господаря-рольника. Коли на 1-го чоловіка, що займається рольництвом, припадає продукція в Данії 165 сотні, во Франції 58, в Совітах 51, в Італії 41, то в Польщі лем 25 сотні. Так аджек Польща має 3 рази більше людей, що займаються фахово рольництвом на 100 гектарах, ніж Данія, зберат перешло 2 рази менше землеродів, а результат роботи рольника є 7 рази нижчий.

Тоті дані ілюструють проблему перенаселення сіл і рольництва в Польщі. Вони є причиною бід і недостатку грошей на селі і самомагаються скороти

розв'язки. Розв'язка та може послідовати лем в разі придбання через наше Правительство колоніальних територій, де б могла виїжджати надвишка приростаючого з кожним роком населення краю. Колоніальні території здержали б далше роздроблення сільських господарств і зменшили б число безробітних на селі.

АБИСИНИЮ НЕ ТАК ЛЕГКО СІСТИ.

Як відомо Італія виграла війну з Абисинією. Вона розбила армію негуса і заволоділа великою частиною краю, а сам негус мусів виїхати з Абисинії і глядати в Палестині, а пак в Лондоні захисту.

Помимо того однак війна в Абисинії не закончилась іще і італійці мають там штораз нові клопоти, особливо тепер, коли прийшла пора дощів. Безпечність на дорогах є мінімальна, а розбійничі банди нападають штораз смішше і частіше.

В Горі є далше независиме абисинське правительство. Недалеко того міста організують ся рештки півночної армії раса Имру і південної армії раса Десты.

Друге абисинське правительство повстало в провинції Галя.

На півдні панує цілковита анархія. Многі предводителі племен не признають італійського пановання.

Тоті положення спричинили, же видкороль Абисинії, італійський генерал Граціани, видав отозву, в котрому предостерегає населення перед ставлянням опору против Італії.

Ці отозви допоможуть, не знати. Але дотепер Італія не опанувала цілою Абисинією, що дає надіжду негусові повороту до рідного краю. Щоб одержати точні відомості, хто рядить тепер в Абисинії,

послав негуса до західної Абисинії, не обнятої іще італійцями раса Маконнен, щоб він обняв начальство над провинцією Горі і переслав точні інформації негусові про воєнну силу абисинців в західній частині краю і про складі абисинського правительства.

Розрухи в Палестині не устають.

Дотепер Англія не потрапила здавити розрух в Палестині.

В околицях Єрусалима, Тель-Авив і Сафада доходить до безперервних боїв.

Недалеко Тулькарем шмарено на залізничний патруль бомбу; також бомбу шмарено на будинок поліції в Меидаль.

В Гаїфі підпалено жидівський автобус, а коло Єрусалима, в Беивеган фабрика мармурів. Кіло Нагаляль араби заатакували жидівських колоністів, але були отперті. Араби напали також на військовий отряд і ранили тяжко кількох воїнів. В Єрусалимі підпалили вони дім для жидівських сиріт.

Палестинське правительство видало нові острі зарядження, предвиджуючи кару пожиттєвеної в'язниці за держання бомб, гранат і вибухових матеріалів.

Найвищий арабський страйковий комітет скликав місцеві комітети на нараду, на котрій мають рішити про дальшу страйкову акцію.

Комітет запротестував против незвичайних заряджень, виданих через комисара Палестини.

На тот протест отвіт секретар генерального високого комисара, же англицька администрація рішила предприняти всі средства, щоб здавити терористичну акцію Арабів.

Процес о убийство мин. Перацкого в Верховном Суді.

Дня 22. червня отбыл ся последний акт процессу о убийство бл. п. мин. Перацкого.

Адвокаты внесли касационную скругу, домагаючи ся уневажнення вырочу Апелляционного Суда и переказання sprawy до поновного переведения. Скругу тоту внесено именем Бандеры, Карпынца, Лебеда и Пидгайного, котры были засужены на кару безтерминной вязницы и других подсудимых засуженных на низши кары с исключением Рака, Малюцы, Мигалья и Чорния.

Председателем росправы был судия Качинский при участии судий Маэра и Дворака. Оskarжат прокур. Кучинский. Оskarженных боронит адвокат Павенцкий со Львова.

Суд по пересмотру актов и выслушанию бесід прокуратора и адвоката оголосил о год. 8. веч. вырок, отдаляющий касационную скругу.

Против тому вырочы нит уж никаких правных средств.

Военное положение в Бельгии.

С Бруксели доносят, же в наслідок значного ухудшения внутреннего политического положения в Бельгии, бельгийское правительство постановило объявити в целом краю военное положение.

Цілу желізнодорожну сіль охоронят войско, бо акты саботажа проявляли ся найчастіше на желізних дорогах. Там штрайкуючи нищили шины, бельки и клали барыкады с каменей. На дорогах задерживали автомобилі и казали платити окуп для штрайкуючих.

Правительство постановило в начале ликвидировать беспорядки и установило высокие кары за акты саботажа (от 5 лет тюрьмы до безтерминного заключения).

Помимо таких кар штрайк в Бельгии, особенно в провинции Ено, расширяются.

Китай боронит ся против японской инвазии.

Около тысяч китайских студентов явилось дня 22. червня на желізнодорожной станции, жадаючи бесплатного переїзда до Нанкина в ціли представления маршалу Чанг-Каи-Шекови просьбы, домагающей ся опоры в виду Японии.

Стацию окружено кольчатым дротом, але то не перешкодило манифестантам передостати ся на перон. Полиция однак потрафила перешкодити манифестантам в опанованню поїзда. До студентов прилучила ся толпа народа, котра начала співати патриотичны пісні и выкрикати против Японии.

Рейтер боит ся, же напружене кытайско-японское може ище поглубити ся по поводу инцидента, о котром упоминает місцева японская преса, котра доносит, же оден с кытайских военных кораблей начал стріляти до японского корабля недалеко Чикау. Двох членов японской залогы мали кытайцы тяжело ранити.

Игероям знане ест чувство страха.

Часто мужчины, знаны со своей храбрости и энергии, боют ся таких явлений,

котры пересічного человека не потрафят выпроводити с равновы.

Американский генерал Першинг вожд армии в часі світовой войны, боит ся страшно електричности и не приближат ся до найневиннейшего електричного апарату. Вдома у него світит ся газом, нит електричных дзвонков и не подходит он ани до радио-апарата.

Муссолини не може смотріти с высоты третьего поверха на улицу и отчуват зараз заворот головы и дивну слабость.

Ганди аж трясется перед уличным рухом и шумом. От звуков сырен и самоходных кляксофонов може он тяжело захворити.

Але найцікавше ест то, же японский адмирал Того, человек живучий стало на морі, не може перенести воды.

Председатель Апелляционного Суда в Кракові, Д-р Парылевич перенесенный на емеритуру.

Его наслідником заименовано Прок.

Рудницкого.

Председатель Апелляционного Суда в Кракові, д-р Парылевич внес просьбу о перенесении его на пенсию и министр Правосудия освободил его от полнения функций председателя апел. суда.

Новым председателем ап. суда заименовано г-на Казимира Рудницкого, дотепе-

Што треба знати о меді.

В последних годах пасічничество развиват ся досыть сильно и с каждым роком прибывают по селам новые пасіки. Помимо того тот цінный с'істный продукт має сильный покуп и звычайно село выпродає вшиток мед, не оставляючи праві нич, або барз мало для власного ужитку.

Мед дотепер, вмісто стати ся артыкулом первой потребности и то так в містах як и на селі, ест уважанный за присмак, на котрый може собі позволить некаждый смертный, а шкода, бо мед ест одним с найчистейших и барз поживных кормов. Містит он в собі субстанции, котры тіло огрівають и откормлюют, має также витамины, котры сут доконче потребны для каждого организма и много минеральных солей, як фосфор, вапно и желізо.

Фосфор впливат на развитие костей вапно ест потребне до творения костей, а желізо ест важным складником кырви, без котрого человек опадат на силах, а брак червеной тілок кырви вытворює опасный, особенно в часі развития у дівчат, недуг, — анемию, т. зв. малокровие.

Мурычаный квас, який неходит ся в невеликом количестве в меді, обезпечат мед не лем перед ферментом и псутием, але ест также важным курационным средством (мурычаным квасом куруют различные недуги, особенно ревматизм).

Ци мед ест правдивый и добрый, можна познати по его сталости и по запаху. В містах встрічат ся часто штучный мед с домішком правдивого меду, або правдивый, зафалшованный ріжnymi способами. Понятно, што такой мед не має курационных и кормовых свойств и не належит его куповати.

решного прокуратора апелляционного суда в Варшаві.

* * *

Централа слідчої службы в Варшаві одержала телефонограм с мельдунком о том, же жена председ. апелляционного суда д-ра Парылевича пропала. Родина Парылевичевой доносит, же на правду была занепокоена неожиданным ей счезением. Парылевичева вернула однак и тепер находит ся в одной санатории, где ся курує.

Посады для безработных учителей.

В прошлом тыждні отбыл ся в Министерстві Просв. с'їзд персональных начальников при кураториях округов школьных, на котром обговорено справу учительских посад на р. 1936/37.

Признаны финансовым законом 2000 новых етатов для всенародного школьничества позволяют дати учительским посады одной четвертой части безработных учителей.

В часі наряд высунено постулат дати занятия а р. 1936/37. бесплатных практикантов и кандыдатов до службы тым, котры окончили семинарии в літах от 1928 до 1932.

В р. школьном 1936/37 можна сподівати ся отпłyва безработных учителей с округов: краковского, львовского и познанского до инших округов школьных.

Правдивый мед стинат ся по кількох неділях и стає ся твердый. Замінити его на теч можна лем через огрітє, але поставленный в холодное місце, твердне по пару днях наново. Мед, котрый не стинат ся, особенно в зимі, ест подробленный.

Доброта меду зависит не так от барвы, як от силы запаха, т. е. специального медного аромату. Барва зависит от отміны квітя, с котрого пчолы зберали мед. Мед т. зв. липный ест золотисто-желтый, с акации и білого коничу — ясно-желтый, мед с гречкы — темный о остром запахе и смаку, надає ся специально на медовники.

Всі праві отміны правдивого меду драпят по горлі и по том можна его также познати, бо мед подроблеый або фалшованный не має того свойства.

Липень, то час дозрівания меду и забєраня его с улия. Важне ест, штобы пасічник отобрал мед чисто и осторожно с вошины и штобы не треба было его топити, ани вытискати.

Мед вытисканный, або топлєный ест темнейший от млынованого, терпкий и тратит свойственный собі аромат.

ПОМІЩАЙТЕ

ОГОЛОШЕННЯ

В ГАЗЕТІ „ЛЕМКО“

Залісенє жбырков и неужитков.

„Gospodarz Polski“ подає, же в новоторском повіті залісено в прошлом році 17, а в том році 22 моргы жбырков и неужитков. Залісенє встрітило ся с опором части населеня, котре досмотривало ся в залісеню охоты властей отобрати им тоты жбырки. Однак больша часть населеня услухала доброй рады своего старосты и под руководством лісного инспектора приняла участь в залісеню. Староста, по засадженю деревец, отдал залісеню часть их дотеперешным властителам под призор и опеку.

Як в повіті новоторском, так и на цілом Прикарпатю, лісы сут сильно вынищенны и если населенє не зрозуміє потреби залісеня каждого жбырка, где его діти ище больша біда и нужда. Населенє гор, аджек и лемкы ратуют ся тепер вырубком и продажом дерева. В многих селах вырубали уж всьо и тепер сами видят, же зробили зле. Але того зла не старают ся направи, лем ждуть, коли на вырубаном місци засіє ся сам ліс. Таке поведенє єст шкодливе, бо 1) шобы ліс ся сам засіял, треба лишити в зрубі пару старых дерев, 2) в вырубаних лісах не можна пасти живини. Але и втотчас ліс засіват ся поволи и неровномірно. Тож шобы дождати ся якнайскорше нового ліса, треба доконче зараз по вырубаню дерева, зруб очистити и засадити новыма деревцями. Ліс єст пото, шобы его рубати и рубати его можна при доброй господарці все. Каждє поколінє може его раз перерубати, бо як знаме, дерево в лісі вырастат уж в продолженю 50—60 літ, а так долго жиє пересічно человек. Тож каждый газда може мати незнищений ліс и користати с него, як лем буде того робити розумно. До тепер однак ведено в наших лісах рабункову господарку и мы мусиме того направити через залісенє всіх зрубів, а также всіх берегов, жбырков и неужитков.

Не забывайме также и о том, же ліс кромі того, же дає нам дерево, єст ище и с других причин добродієм гор. Он хоронит нас перед зливом, острыма вітрами и посухом. Тож, коли лісы рубаме, — наши села станут ся пустынями. Землю змье вода и знесе до потоков, засівы зморозит острый вітер и выпалит сонце.

Шобы не допустити до того, єст лем одна рада приступати всяди до залісеня каждого фалатка неужиточной землі.

Информаций и помочи в той справі уділяють повітовы лісны инспектораты.

Коли закончит ся комасация грунтов.

Найбольшом болячком наших селян єст росшмаренє грунтов, одного господара по цілом хотарі. Грунты творят т. зв. „шаховницу“ заходять одны поза другы так, же ніг праві господара, котрый не мусіл бы доїзджати до своего поля через грунты сусідов и через котрого грунт не переїзджали бы другы сусіды.

Знаючи о той болячці, Сейм ухвалил закон о комасации грунтов в Польщі и правительство, переводячи тот закон, скомасовало уж в 7.596 селах 588.833 дробных

господарств *рольных о лучном пространстві 4,051.858 гектаров землі.

Комасацийны роботы ишли початково вяло, аж от р. 1926. набрали розмаху и в р. 1931. осягнули найвысши результаты (скомасовано в 1931 р. 565.500 га). Пак результат комасацийной діяльности обнижил ся, а в році 1935 скомасовано 493,416 га землі.

Нескомасованных грунтов єст ище в Польщі около 7.000.000 га, в виду чого, комасуючи рочно по 450 тысяч гектаров, потреба на законченє камасацийных работ в Польщі ище 16 літ.

ЦІНЫ ЖИВИНЫ И БЕЗРОГ ПОДНОСЯТ СЯ.

В послідных тыжднях зазначила ся звыжка цін живини всіх гатунков. Найзначнійше подорожили свині. На торгах в западных воеводствах свині подорожили от 8—10 зл. на 100 кг. На рынку рогатой живини дає ся отчувати передовсем брак доброго материялу. Знатоки предсказуют, же такый стан потрєват ище пару неділь. Гдеякы твердят, же ціны живини поднесут ся ище.

По Лемківщині.

Дня 10. мая т. р. отбыло ся в домі Михайла Вархоляка рочне собранє членов читальні им. Мих. Качковского в Святкові

На тото народне торжество прибыли доокрестны священники и місцеве учительство. Собранєм руководил о. Павлишин, его заступником на час собрания выбрано войта гмины Кремпна, Даниіля Янковича, а секретарем о. Крытского. О. Павлишин выгослосил блестячу бесіду о значеню читальні, завзываючи при том найти способы для оживленя діяльности читальні.

Уходячий председатель выділа читальні О. Крыницкий доложил о прошлорочной діяльности читальні, — читальня мала свой аматорский кружок, котрый дал ряд театральных представлень. Отчитано также килька рефератов на актуальны темы.

По выслуханю докладов уділено уступа-

ючому правленю абсолюторію и приступлено до выбора нового выділа. Выбрано: председателем—Петра Хомика, заст. предс.—Николая Нестера, секретарем—Петра Касича, библиотекарем—Петра Русина, касиєром—Ивана Лабика и членами—Павла Шевчика и Ивана Фрынцко.

В часі собрания бесідовали г-жа Крыницка, котра заохочала женщины к читальняной роботі, о. Крытский — о красі лемковской одежди и о способах оживленя діяльности в читальні, о. Крыницкий — о национальном самоопреділеню и Лабик, завзываючи членов интересовати ся книжком и просвітительном роботом.

В часі перерывов отдеклямовал хлопчик Иван Фесь прекрасны вершикы и школьный хор под руководтвом місцесой учителькы Вислоцкой отспівал ряд народных пісней.

Єст надежда, же новый выділ, зложеный с энергичных людей, внесе много для оживленя діяльности читальні и напряже всі силы для выбудованя власного читальняного дому, под котрый купили уж в прошлом році землю.

Лемкы с горлицкого повіта и околицы.

Приготовляйте ся и участвуйте в Народном Празднику Талергофском и дні Руской Культуры! — Покажите себе! Посмотрте на пописы наших дружин, хоров, аматорских кружков и оркестр самородных музыкантов, якы выступят в ТАЛЕРГОФСКОМ ПРАЗДНИКУ и ДНІ РУСКОЙ КУЛЬТУРЫ, в селі Баница, горлицкого повіта, в неділю, 12. липня т. г., в день св. ап. Петра и Павла, по случаю посвяченя

Талергофского Креста.

Уж тепер, а найдальше до 5. липня т. г. оголошуйте свои програмы в правленє читальні им. М. Качковского в Баницы, почта Гладисов.

Д-р мед. Єраст М. Константинович

б. асыстент Держ. Шпиталя св. Лазаря в Кракові

ординує от 1. червня с. р.

в Мушині

ул. Пилсудского Нр. 93

(дом г. Фр. Сикорского).

Што чути в світі.

С Риму доносять, же в найблизшом часі в Італії начне ся демобілізація італіанської армії.

Москва: Дня 20. червня о год. 18 на на Красній площі отбыл ся похорон Максыма Горького. Тіло его спалено в крематорії, а урну с порохами замуровано в стіні мавзолея. На урні зложено вінки от правительства французского и президента Масарыка.

Льондон: На засіданю парламента міністер заграничных діл Іден высказал ся в имени англицкого правительства за знесенем санкцій протия Італії.

Берлін: С початком липня має быти скликаний німецький парламент, на котром канцлер Гітлер выголосит велику бесіду. В бесіді той Гітлер завозве до предприятія великой акції в цілі отобраня всіх давных німецьких колоній.

Нанкін: В Кытаю настроєнє населєня звертат ся шторааз больше протия Японії. Предводителі полудневого Кытая постановили выслати делегацию на засіданє комитєта в Нанкінї дня 10. липня. Делегаты мають зажадати перерваня дыпломатичных отношенє с Японіом и отшмарєня понижающих Кытай, кытайско-японских договоров, а также привєрєня свободы.

Женева: Коновалец мал приготавли замах на Литвинова и за того выдалено его с границ Швайцарії.

Берлін: Німецькы фабрыкы вырабляют тепер около 200 самолетов в місяци. С концем того року будут они мати около 6.000 боевых самолетов.

Льондон: В политичных англицких кругах предвиджуют, же найпозднійше до 8-го липня будут знесены карательны санкции протия Італії.

Відень: Начала ся конференция в ділі укріплєня Дарданелєй. Конференция заняла положєнє зверненє протия Німєччині. Делегаты Росії, Румунії и Франції высказали ся, штобы на случай войны с Німєччином отдати дарданельскый пролив до дыспозыції высше вычисленых держав.

Ерусалим: В цілі привєрєня порядка, англицкы власти прибігают к енергичным средствам. Англицкы войкы высаджают динамитом в Яффі и в других місцевостях хованкы арабских повстанцов.

Мадрид: От часу опанованя Іспанії через комунистов (16. лютого т. р.) являт ся Іспанія тереном безперывных розрухов. Результат тых розрухов єст страшный. Оден іспанскый посол подає, же в том часі: убито 269, ранено 1287., доконано замахов 253, знищено 170 костелов, подпалено 251 будынков. На редакції было нападів 128, а 10 спалено. Штрайков было 348. Увязнено много инжинєров в копальнях и задержано самоходы, жадаючи окупу. Англицкый клуб автомобилистов зрек ся отвѣтственности за возы своих членов, вы-

їздающих до Іспанії. Іспанскы кораблі выганают с чужих портов, бо боят ся, што іспанскы морякы завлечут там заразу анархії. Посол тот сказал дальше, што анархія в Іспанії єст всенародна. Хлопскы фермы рабує ся, єст безперывна стрілянина, выбухы бомб и т. д.

Вісти с краю.

Варшава: Премієр Славой Складковский перенес на пенсію станіславовского воєводу Старжинского за невыполненє поручєнь министерства в місцевых справах.

Варшава: Министерство Віроисповіданя и Просв. зарядило, штобы от 1. верєснє т. р. вводити в школах нову правопись языка польского, ухвалєну орфографичным комитєтом Польской Академії Знаня.

С Варшавы доносять, же має наступити дымисия вице-премєра инж. Квятковского, котрый назагал не выполнил всіх надежд на економичном фронті. Помимо введеня централі девиз золото с Польского Банка отплыват в дальшом тягу, а клопоты господарчого житя увеличили ся. Вице-премєра инж. Квятковского має заступити теп. министр рольництва, котрый тішит ся добром марком у Г-на Президента Р. П. и у Инспектора Оружных Сил, ген. Рыдз-Смиглого. Также министр соціальной опеки Зындрам-Косцялковскый має ити на становиско воєводи львовского.

Варшава: Ведля рапортов, які надходять от рольных организаций, стан хліба значно поправил ся, завдякы частым дожджам и високой температурі. Если така погода удержит ся ище 2 неділі, то в том році будут вчасны жнива, котрых сподівает ся уж около 10. липня. Жнива тогорочны заповідать ся барз добре.

Варшава: Польске Правительство розсматрує возжожности сплаты воєнного долгу Америкі товарами. Министерство Финансов пришло до пересвідченя, же продолжанє неплатєня долгов впливат зле на

финансовы кругы Америкы и подрізує наш кредит в Америці.

Варшава: Ціны волокна и то так суровых материялов, як и полфабрыкатов подскочили о 20 0/0. Тото отобє ся на цінах приодівы и предвиджуют, же фабрыканты поднесут ціну сукна уж в найблизших днях.

В Закопаном згоріл автомобильный гараж разом со семома автобусами П. К. П. Подозрівають, же гараж подпалено. В поломени згинул также сторож Рекуцкый, котрый спал в гаражі. Втрата выносит около 500.000 зл.

В Сяноці отбуде ся от 14-го до 17-го серпня т. р. „Свято Гор“, котре згромадит представителей всіх регионов горских и организаций, трудячих ся над справами горскыма. Руководство организационного комитєта обняли министр воєнных діл, ген. Т. Каспржицкый и вице-министр комуникации инж. Бобковский.

Краков: Дня 21.VI. обробовано помешканє старосты в Мыслєницах. Зработовано річи вартости около 1500 зл. Крім того той самой ночи, здає ся, тога сама шайка обробовала 2 склепы. За бандытами, котры збіжали до сусідных лісов, погнала полиция.

Красностав: На реємигранта Мартина Садовского, котрый недавно вернул с Америкы и привез значну суму грошей, напали бандыты, стерорызовали домашных и украли с куфра 30 тысяч долларов и 5000 зл. Дотепер бандытов не зловлено.

В сусідстві знали о том, што Садовскый держит гроши у себе и того притягнуло бандытов.

Тарнов: На поручєнє прокуратурии арєстовано в Тарнові дня 26. т. м. Ванду Парылевич, жену б. предс. Апел. Суда в Кракові. В звязи с том самом справом арєстовано также тарновского купца Флейшера и в Кракові жену Флейшера, Елену.

Подробности арєста держит прокуратурия в тайні.

Краков: Дня 26. т. м. выслано до Картуз-Березы Д-ра Владыслава Мєха и Франц. Ельонкевича, главарей польской партии народной.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ

ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО,

НЕХАЙ ЯКНАЙСКОРШЕ

заасєкурує ся

в асєкурацийном Товаристві

ВИТА И КРАКОВСКЕ

во ЛЬВОВІ

Асєкурацию принимают на цілой Лемковщині
представителі: гг. Осиф Яновцкый — Крыница-Сєло и Михаил Перелом — Сянок.